

შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი

2019

ფინანსური ანგარიშგება

31 დეკემბერი 2019

შპს კია მოტორს ჯორჯია

სარჩევი

სრული შემოსავლის ანგარიშგება 2019 წლის 31 დეკემბრის მდგომარეობით.....	2
ფინანსური მდგომარეობის ანგარიშგება 2019 წლის 31 დეკემბრის მდგომარეობით.....	4
ფულადი ნაკადების ანგარიშგება 2019 წლის 31 დეკემბრის მდგომარეობით	5
საკუთარი კაპიტალის ცვლილებების ანგარიშგება 2019 წლის 31 დეკემბრის მდგომარეობით	6
ფინანსური ანგარიშგების ახსნა-განმარტებითი შენიშვნები	6

შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი

სრული შემოსავლის ანგარიშგება 2019 წლის 31 დეკემბრის მდგომარეობით

მოგება-ზარალის უწყისი	31.12.2019	31.12.2018
შემოსავალი რეალიზაციიდან	13,633,747	13,498,948
გაყიდვების დაბრუნება და ფასდათმობა	(34)	
სულ რეალიზაცია	13,633,713	13,498,948
რეალიზებული პროდუქციის თვითღირებულება	10,792,648	11,121,922
რეალიზებული საქონლის უკან დაბრუნება/ფასდათმობა	-	
სულ რეალიზებული საქონლის თვითღირებულება	10,792,648	11,121,922
მთლიანი მოგება	2,841,064	2,377,026
ადმინისტრაციული დანახარჯები	1,299,224	1,170,388
მიწოდებისა და დისტრიბუციის დანახარჯები	699,629	187,465
ცვეთის ხარჯი	40,093	
სხვა ხარჯი	75,482	1,146,370
სულ საოპერაციო ხარჯები	2,114,429	2,504,223
არასაოპერაციო შემოსავალი	298,185	810,836
ფინანსური შემოსავალი	4,643,294	5,336,933
სულ არასაოპერაციო შემოსავალი	4,941,479	6,147,769
ფინანსური ხარჯი	2,013,911	2,955,608
სხვა არასაოპერაციო ხარჯი	678,131	
კურსთაშორის სხვაობა	1,928,297	1,305,418
სულ არასაოპერაციო ხარჯი	4,620,339	4,261,026
მოგება დაბერგვამდე	1,047,776	1,759,545
მოგების გადასახადი		1697.89
წმინდა მოგება	1,047,776	1,757,847

შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი



დირექტორი

04 თებერვალი, 2021
თბილისი, საქართველო



შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი

ფინანსური მდგომარეობის ანგარიშგება 2019 წლის 31 დეკემბრის მდგომარეობით

	31.12.2019	31.12.2018
აქტივები		
მიმდინარე აქტივები		
ფული და ფულის ექვივალენტები	111,659	117,629
დებიტორული მოთხოვნები	158,332	189,266
გადახდილი ავანსები	1,053,613	1,721,373
საქონელი და მარაგები	2,212,185	2,099,917
გაცემული სესხები	27,237,522	52,151,506
საგადასახადო აქტივები	79,220	68,563
მოთხოვნები კაპ. შევსებაზე	646,785	0
სულ მიმდინარე აქტივები	31,499,316	56,348,255
ძირითადი საშუალებები	609,568	548,051
ცვეთა და ამორტიზაცია	(370,510)	(330,417)
არამატერიალური აქტივები	300	353
სულ გრძელვადიან აქტივები	239,358	217,988
სულ აქტივები	31,738,674	56,566,242
მიმდინარე ვალდებულებები		
კრედიტორული დავალიანება	1,594,693	2,496,494
მიღებული ავანსები	5,020,984	24,868,186
გადასახდელი ხელფასები	5,675	6,419
მოკლევადიანი სესხები	31,343,760	37,109,414
საგადასახადო ვალდებულებები	(0)	6,728
სულ მიმდინარე ვალდებულებები	37,965,110	64,487,241
სულ გრძელვადიანი ვალდებულებები	0	0



დაფინანსება

ზი	646,985	200
ის მოგება/ზარალი	1,047,776	0
ა	(7,921,198)	(7,921,198)
	(6,226,437)	(7,920,998)
სულ ვალდებულებები და კაპიტალი	31,738,674	56,566,243

დირექტორი

04 თებერვალი, 2021
თბილისი, საქართველო

შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი

ფულადი ნაკადების ანგარიშგება 2019 წლის 31 დეკემბრის მდგომარეობით

წმინდა მოგება	1,047,776
ცვეთა და ამორტიზაცია	40,093
ფულადი ნაკადები საოპერაციო საქმიანობიდან	1,087,869
ცვლილებები მოთხოვნები მიწოდებიდან და მომსახურებიდან	30,934
ცვლილებები საწარმოს პერსონალის მიმართ მოთხოვნებში	667,760
ცვლილებები საქონელსა და მარაგებში	(112,268)
ცვლილებები მისაღებ პროცენტში	24,913,984
ცვლილებები საგადასახადო აქტივებში	(10,657)
ცვლილებები მოთხოვნებში კაპ. შევსებაზე	(646,785)
ცვლილებები გადასახდელ ხელფასებში	(744)
ცვლილებები მოწოდებიდან და მომსახურებიდან წარმოქმნილი ვალდებულებები	(901,802)
ცვლილებები მიღებულ ავანსებში	(19,847,202)
ცვლილებები საგადასახადო ვალდებულებებში	(6,728)
ცვლილებები მოკლევადიან სესხში	(5,765,655)
სულ ფულადი ნაკადები საოპერაციო საქმიანობიდან	(591,294)
ფულადი სახსრები საინვესტიციო საქმიანობიდან	
ცვლილებები ძირითად საშუალებებში	(61,516)
ცვლილებები არამატერიალ აქტივებში	53
წმინდა ფულადი სახსრები საინვესტიციო საქმიანობიდან	(61,463)
ფულადი ნაკადები საფინანსო საქმიანობიდან	
საწესდებო კაპიტალის გაზრდა	646,785
სულ ფულადი ნაკადები საფინანსო საქმიანობიდან	646,785
ფული და ფულადი ექვივალენტის ნეტო ცვლილება	(5,972)
ფული და ფულადი ექვივალენტის პერიოდის დასაწყისში	117,629
ფული და ფულადი ექვივალენტი პერიოდის ბოლოს	111,659

დირექტორი

04 თებერვალი, 2021
თბილისი, საქართველო



შპს კია მოტორს ჯორჯია ფინანსური მდგომარეობის ანგარიშგება;
 2019 წლის 31 დეკემბრის მდგომარეობით;
 საანგარიშგებო ვალუტა ლარი

**საკუთარი კაპიტალის ცვლილებების ანგარიშგება 2019 წლის 31 დეკემბრის
 მდგომარეობით**

	საწესდებო კაპიტალი	გაუნაწილებელი მოგება	სხვა რეზერვები და დაფინანსება	პერიოდის მოგება/ზარალი	სულ
ნაშთი 2018 წლის 01 იანვრისთვის	200	(9,715,771)	0	0	(9,715,571)
საწესდებო კაპიტალის გაზრდა	0	0	0	1,794,573	1,794,573
საწესდებო კაპიტალის შემცირება					
ნაშთი 2018 წლის 31 დეკემბრისათვის	200	(7,921,198)	0	0	(7,920,998)
საწესდებო კაპიტალის გაზრდა	646,785	0	0	1,047,776	1,694,561
საწესდებო კაპიტალის შემცირება					
					0
ნაშთი 2019 წლის 31 დეკემბრისათვის	646,985	(7,921,198)	0	1,047,776	(6,226,437)

დირექტორი

04 თებერვალი, 2021

თბილისი, საქართველო



ფინანსური ანგარიშგების ახსნა-განმარტებითი შენიშვნები

1. ზოგადი ინფორმაცია და საქმიანობა

შპს “კია მოტორს ჯორჯია” არის საქართველოში კიას ბრენდის ოფიციალურად ლიცენზირებული იმპორტიორი და ავტომობილების დილერი. კია საქართველოს ბაზარზე შემოვიდა 2007 წელს და მომხმარებლებს სთავაზობს თანამედროვე ავტომობილების მრავალფეროვან არჩევანს, ჯერ კიდევ ფასების/ხარისხთან შესანიშნავი თანაფარდობით. კომპანია სწრაფად გახდა საქართველოს ბაზარზე ლიდერი ახალი ავტომობილების გაყიდვაში და მისი თბილისის შოურუმში და მომსახურების ცენტრი მომხმარებლებს სთავაზობს კიას ავტომობილების მთლიან საგარანტიო მომსახურებას.

2018 წლის 31 დეკემბრის მდგომარეობით კომპანიის ერთპიროვნული მფლობელი იყო შპს იბერია ბიზნეს ჯგუფი (ს/კ 204975376) შპს “იბერია ბიზნეს ჯგუფის” მფლობელია შპს “აი-ბი-ჯი ჰოლდინგი”. შპს “აი-ბი-ჯი ჰოლდინგის” საბოლოო მფლობელები 2019 წლის 31 დეკემბრის მდგომარეობით არიან ტარიელ ხეჩიკაშვილი – 24%, კატერინე ინასარიძე – 29.22%, თამარ გვაზავა – 10.89%, მადონა თამაზაშვილი – 10.89%, სს “რედი კაპიტალი” – 20%, სნეჟანა კოტოვა – 5%. 2019 წლის 31 დეკემბრის მდგომარეობით კომპანიის მესაკუთრეები არიან: შპს იბერია ბიზნეს ჯგუფი და შპს ბუტიკგუპი (ს/კ 405277962), თავის მხრივ შპს ბუტიკგუპის 100% წილის მესაკუთრეა შპს გტ ბენეფიტსი (ს/კ 404560051), შპს გტ ბენეფიტსის მესაკუთრეები არიან: ფ/პ ზურაბ ტუკვაძე (პ/ნ 01024058793) – 50% და ფ/პ დავით გოგორიშვილი (პ/ნ 01007011349) – 50%.

2019 წლის განმავლობაში კომპანიის თანამშრომელთა საშუალო რაოდენობა იყო 24 თანამშრომელი (2018: 27 თანამშრომელი). 2019 წლის განმავლობაში მოხდა კომპანიის წილის 50%-ის რეალიზაცია და შედეგად

კომპანიის იურიდული მისამართია: თბილისი, დავით აღმაშენებლის ხეივანი, #197

პარტნიორი	31 დეკემბერი 2019	31 დეკემბერი 2018
204975376 შპს იბერია ბიზნეს ჯგუფი	100%	100%

ანგარიშგების ხელმოწერის თარიღისათვის კომპანიას მართავს დირექტორი გიორგი ამაშუკელი (პ/ნ 60001013820), საქართველოს მოქალაქე.

2. მომზადების საფუძველი და სააღრიცხვო პოლიტიკა

ქვემოთ წარმოდგენილია სააღრიცხვო პოლიტიკის ძირითადი პრინციპები, რომელიც გამოყენებულია წინამდებარე ცალკეული ფინანსური ანგარიშგებების მომზადებაში. აღნიშნული პოლიტიკის გამოყენება მოხდა თანმიმდევრულად ყველა წარდგენილ პერიოდზე, თუ სხვა რამ არ არის მითითებული.

2.1. მომზადების საფუძვლები

კომპანია საქართველოში მოქმედი ბუღალტრული და საანგარიშგებო რეგულაციების მიხედვით წარმოადგენს მესამე კატეგორიის საწარმოს და ამავე რეგულაციებით მას მოეთხოვება ფინანსური ანგარიშგების მომზადება და წარდგენა. თანდართული ფინანსური ანგარიშგება მომზადებულია

ბუღალტრული აღრიცხვის საერთაშორისო სტანდარტების საბჭოს (ბასსს) მიერ გამოცემული ფინანსური ანგარიშგების საერთაშორისო სტანდარტებისა (ფასს) და ბუღალტრული აღრიცხვის, ანგარიშგებისა და აუდიტის შესახებ საქართველოს კანონის მოთხოვნების შესაბამისად.

ფინანსური ანგარიშგება მომზადებულია, როგორც მოქმედი საწარმო. ამ შეფასების გამოყენებისას, მენეჯმენტი ითვალისწინებს კომპანიის ფინანსური მდგომარეობას, მიმდინარე სასაქონლო-მატერიალური მარაგების, ოპერაციების მომგებიანობას და ფინანსურ რესურსებზე წვდომას და ფინანსურ ბაზრებზე არსებული მდგომარეობის გავლენის ანალიზს კომპანიის ოპერაციებზე.

აღნიშნული ფინანსური ანგარიშგება წარმოდგენილია ქართულ ლარში, თუ სხვა რამ არ არის მითითებული.

2.2. უცხოური ვალუტის ოპერაციები

ფულადი აქტივები და ვალდებულებები კომპანიის საოპერაციო ვალუტაში გადაიყვანება შესაბამისი საანგარიშო პერიოდის დასრულებისას არსებული საქართველოს ეროვნული ბანკის (სებ) ოფიციალური სავალუტო კურსის მიხედვით. ფულადი აქტივების და ვალდებულებების კონვერტაციის და ტრანზაქციების განხორციელების შედეგად წარმოქმნილი საკურსო მოგება და საკურსო ზარალი საოპერაციო ვალუტაში წლის ბოლოს არსებული სების ოფიციალური სავალუტო კურსის მიხედვით აღიარებულია მოგება ზარალში ფინანსური შემოსავლის ან ზარალის სახით. კონვერტაცია წლის ბოლოს არსებული კურსის მიხედვით არ გამოიყენება ისტორიული ღირებულებით აღრიცხულ არაფულად პუნქტებთან მიმართებით.

2.3. ვალუტის გაცვლითი კურსი

ქვემოთ მოცემულია წლის ბოლოსათვის არსებული გაცვლითი კურსები, რომლებიც კომპანიამ გამოიყენა ფინანსური ანგარიშგების შედგენისას:

	31 დეკემბერი 2019	31 დეკემბერი 2018
ლარი/1 აშშ დოლარი	2.8677	2.6766
ლარი/1 ევრო	3.2095	3.0701

2.4. ფულადი სახსრები და მათი ექვივალენტები

კომპანიის საოპერაციო და საანგარიშგებო ვალუტას წარმოადგენს ეროვნული ვალუტა - ლარი (GEL). ფული და ფულის ექვივალენტები მოიცავს ფულად სახსრებს სალაროში და შეზღუდულ და შეუზღუდავ ფულად სახსრებს საბანკო ანგარიშებზე. საანგარიშგებო პერიოდის ბოლოს უცხოურ ვალუტაში არსებული ფულადი ნაშთები გადაანგარიშდება ლარში, საანგარიშგებო თარიღისათვის საქართველოს ეროვნული ბანკის მიერ გამოცხადებული ოფიციალური გაცვლითი კურსის მიხედვით. საკურსო სხვაობით წარმოქმნილი შემოსულობა ან ზარალი აისახება სხვა შემოსავალში ან სხვა ხარჯებში.

2.5. სავაჭრო და სხვა მოთხოვნები

სავაჭრო მოთხოვნები ძირითადად შედგება იმ მიუღებელი თანხებისგან რომელზეც კომპანიამ გაუწია დამკვეთს გარკვეული სახის მომსახურება აღიარა შემოსავლად მაგრამ არ მიუღია შესაბამისი ანაზღაურება. ფინანსურ ანგარიშგებაში წარდგენილი მოთხოვნები ასახულია რეალური ღირებულებით.

კომპანიის მენეჯმენტი ახორციელებს პერიოდის ბოლოს არსებული ვალდებულებების ანალიზს და მის დარეზერვებას.

2.6. სასაქონლო-მატერიალური მარაგები

სასაქონლო-მატერიალური მარაგების ღირებულება მოიცავს უშუალოდ მარაგების და შესაბამის შემთხვევებში იმ ზედნაღებ ხარჯებს, რომლებიც გაწეული იქნა მათ თავდაპირველ მდგომარეობაში მოსაყვანად. მარაგები აღირიცხება თვითღირებულებასა და წმინდა სარეალიზაციო ღირებულებას შორის უმცირესი თანხით. წმინდა სარეალიზაციო ღირებულება არის ბიზნესის ჩვეულებრივ პირობებში საქმიანობისას არსებული აქტივის გასაყიდ ფასს გამოკლებული დანახარჯები, რომლებიც დაკავშირებულია აქტივის გაყიდვასთან. კომპანია იყენებს საშუალო შეწონილი ღირებულების მეთოდს. მარაგების ჩამოწერა ხდება სპეციფიკური იდენტიფიკაციის მეთოდის საშუალებით, თუ ეს შესაძლებელი და მიზანშეწონილია, ხოლო სხვა შემთხვევებში - საშუალო ფასთა მეთოდის გამოყენებით.

2.7. ძირითადი საშუალებები

ძირითადი საშუალებები არის მატერიალური აქტივები, რომლებიც:

(ა) იმყოფება საწარმოს განკარგულებაში და გამოიყენება საქონლის წარმოებაში, საქონლის ან მომსახურების მისაწოდებლად, იჯარით გასაცემად ან ადმინისტრაციული მიზნებისათვის;

და

(ბ) გათვალისწინებულია ერთ საანგარიშგებო პერიოდზე მეტი ხნით გამოსაყენებლად.

ძირითადი საშუალების შეფასება ხდება დაგროვილი ცვეთისა და დაგროვილი გაუფასურების ზარალით შემცირებული თვითღირებულების თანხით.

ცვეთის დარიცხვა ხდება აქტივების სავარაუდო სასარგებლო მომსახურების ვადაზე, წრფივი მეთოდის გამოყენებით. ძირითადი საშუალებების სასარგებლო მომსახურების ვადები შემდეგია:

	სასარგებლო გამოყენების ვადა წლებში:
შენობები	20
მანქანა-დანადგარები	5
ავეჯი და ოფისის აღჭურვილობა	5
სატრანსპორტო საშუალებები	5
იჯარით აღებული ქონების კეთილმოწყობა	უმცირესი იჯარის ვადასა და 7 წელს შორის

2.8. არამატერიალური აქტივები

არამატერიალური აქტივი არის ფიზიკური ფორმის არმქონე, იდენტიფიცირებადი არაფულადი აქტივი. არამატერიალური აქტივები ფინანსურ ანგარიშგებაში აღიარდება აქტივად მხოლოდ იმ შემთხვევაში, თუ მოსალოდნელია, რომ

- (ა) მომავალში ამ აქტივის მეშვეობით ორგანიზაცია მიიღებს ეკონომიკურ სარგებელს და
- (ბ) შესაძლებელია ამ აქტივის ღირებულების სარწმუნო (რეალური) შეფასება.

თავდაპირველი აღიარების შემდეგ არამატერიალური აქტივები აღირიცხება დაგროვილი ამორტიზაციით და ნებისმიერი გაუფასურების ზარალით შემცირებული ღირებულებით.

2.9. აქტივების გაუფასურება

ყოველი საანგარიშგებო თარიღისათვის ტარდება ძირითადი საშუალებების და არამატერიალური აქტივების განხილვა, იმის დასადგენად, არსებობს თუ არა რაიმე ნიშანი იმისა, რომ აღნიშნული აქტივები გაუფასურებულია. იმ შემთხვევაში, თუ არსებობს შესაძლო გაუფასურების ნიშანი, შეფასდება ნებისმიერი აქტივის (ან დაკავშირებულ აქტივთა ჯგუფის) ანაზღაურებადი ღირებულება და შეუდარდება მის საბალანსო ღირებულებას. თუ შეფასებული ანაზღაურებული ღირებულება ნაკლებია, საბალანსო ღირებულება შემცირდება მის ანაზღაურებად ღირებულებამდე, ხოლო გაუფასურების ზარალი დაუყოვნებლივ აღიარდება მოგებაში ან ზარალში.

ანალოგიურად, ყოველი საანგარიშგებო პერიოდისათვის ხდება სასაქონლო-მატერიალური ფასეულობების ტესტირება გაუფასურებაზე. რისთვისაც სასაქონლო-მატერიალური ფასეულობის თითოეული ერთეულის (ან ანალოგიური ერთეულების ჯგუფის) საბალანსო ღირებულება უდარდება მისი დასრულებისა და რეალიზაციისათვის საჭირო დანახარჯებით შემცირებულ სარეალიზაციო ფასს. თუ გაუფასურებულია, მაშინ სმფ-ის საბალანსო ღირებულება მცირდება პროდუქციის დასრულებისა და რეალიზაციისთვის საჭირო დანახარჯებით შემცირებულ სარეალიზაციო ფასამდე, ხოლო გაუფასურების ზარალი დაუყოვნებლივ აღიარდება მოგებაში ან ზარალში.

იმ შემთხვევაში, თუ შემდგომში მოხდება გაუფასურების ზარალის აღდგენა/კომპენსირება, აქტივის (ან მსგავსი აქტივების ჯგუფის) საბალანსო ღირებულება გაიზრდება აქტივის ანაზღაურებადი ღირებულების (სმფ-ის შემთხვევაში - პროდუქციის დასრულებისა და გაყიდვისთვის საჭირო დანახარჯებით შემცირებული სარეალიზაციო ფასის) შესწორებულ შეფასებულ სიდიდემდე, მაგრამ არ გაიზრდება იმ თანხაზე მეტად, რომელიც განისაზღვრებოდა იმ შემთხვევაში, თუ წინა წლებში არ მოხდებოდა აქტივის (ან მსგავსი აქტივების ჯგუფის) გაუფასურების ზარალის აღიარება. გაუფასურების ზარალის აღდგენის (კომპენსირების) თანხა დაუყოვნებლივ აღიარდება მოგებაში ან ზარალში.

2.10. იჯარა

იჯარა ფინანსურ იჯარად კლასიფიცირდება მაშინ, როდესაც იჯარის პირობები ითვალისწინებს იჯარით გაცემული აქტივის საკუთრებასთან დაკავშირებული ფაქტობრივად ყველა რისკისა და ეკონომიკური სარგებლის გადაცემას.

ყველა სხვა იჯარა კლასიფიცირდება საოპერაციო (ჩვეულებრივ) იჯარად. გადახდები საოპერაციო იჯარის ხელშეკრულების შესაბამისად აღიარებულია ხარჯებში. მასთან დაკავშირებული ხარჯები, ისეთი როგორიცაა შენახვის და სადაზღვევო ხარჯები აღიარდება როგორც გაწეული ხარჯი.

2.11. მოგების გადასახადი

საქართველოს მთავრობამ ცვლილებები შეიტანა საქართველოს საგადასახადო კოდექსში, რომლის მიხედვითაც 2017 წლის 1 იანვრიდან კომპანია გარდა ფინანსური ინსტიტუტისა (როგორც არის ბანკი, სადაზღვევო კომპანია, მიკროსაფინანსო ორგანიზაცია, ლომბარდი) ვალდებული არ არის გადაიხადოს მოგების გადასახადი სანამ არ მოხდება ან დივიდენდის გზით მოგების განაწილება ან განაწილებად მიჩნევა.

დივიდენდის განაწილების გარდა გადასახადი გადასახდელია გარკვეულ ტრანზაქციებზე, რომლებიც მოგების განაწილებად ითვლება და იმ ხარჯებსა და სხვა გადახდებზე, რომლებიც არ არიან დაკავშირებული ეკონომიკურ საქმიანობასთან - აქტივები ან მომსახურების უფასო მიწოდება და წარმომადგენლობითი დანახარჯები, რაც აღემატება საქართველოს საგადასახადო კოდექსით განსაზღვრულ ნორმას.

აგრეთვე შედავათიანი დაბეგვრის მქონე იურისდიქციის ქვეყნებში რეგისტრირებულ საწარმოებზე გადახდილ ავანსები, ისევე როგორც ფიზიკურ პირებზე ან არარეზიდენტ პირებზე გაცემული სესხები იბეგრება გადახდის წყაროსთან.

მოგების გადასახადის ხარჯი წარმოადგენს მიმდინარე საგადასახადო ვალდებულებას. მიმდინარე საგადასახადო ვალდებულება ეფუძნება საანგარიშო წლის განმავლობაში განაწილებულ დასაბეგრ მოგებას.

მოგების გადასახადით დასაბეგრი თანხა გამოითვლება საქართველოს კანონმდებლობის შესაბამისად. მოგების განაკვეთი არის 15%, რომლის გადახდაც ხდება ხაზინის ერთიან ანგარიშზე და რომელიც გამოიყენება ყველა გადასახადისათვის.

საქართველოში მოქმედი საგადასახადო სისტემიდან გამომდინარე, არ არსებობს განსხვავება საქართველოში რეგისტრირებული და მოქმედი კომპანიების აქტივებისა და ვალდებულებების საბალანსო ღირებულებებსა და საგადასახადო ბაზებს შორის, შესაბამისად გადავადებული საგადასახადო აქტივი და ვალდებულება, როგორც განსაზღვრულია ბასს 12 „მოგებიდან გადასახადები“ 2017 წლის 1 იანვრიდან არ წარმოიქმნება.

2.12. სავაჭრო და სხვა მოკლევადიანი ვალდებულებები

სავაჭრო დავალიანება წარმოადგენს კომპანიის ვალდებულებას, რომელიც წარმოიქმნება ყოველდღიური საქმიანობის პირობებში მოწოდებული საქონლის ან მომსახურების შესაბამისად. ვალდებულებები ფინანსურ ანგარიშგებაში აისახება თვითღირებულებით, რაც წარმოადგენს მიღებული საქონლისა და მომსახურებისთვის მომავალში გადასახდელ საკომპენსაციო თანხას.

2.13. ბანკის სესხები და ოვერდრაფტები

სესხები თავდაპირველად საოპერაციო ფასით (ანუ კრედიტორებისათვის გადასახდელი თანხის ახლანდელი ღირებულება, საოპერაციო ხარჯების ჩათვლით) აისახება. სესხები შემდგომ ამორტიზირებული ხარჯით აისახება. საპროცენტო ხარჯი აღიარდება ეფექტური საპროცენტო განაკვეთის მეთოდის საფუძველზე და აისახება ფინანსურ ხარჯებში. სესხები კლასიფიცირდება როგორც მიმდინარე ვალდებულებები. თუკი კომპანიას არ გააჩნია უპირობო უფლება აღნიშნული ვალდებულების გასტუმრების გადავადების შესახებ, ანგარიშგების თარიღიდან არანაკლებ 12 თვის ვადით.

2.14. საწესდებო კაპიტალი

კომპანიის საწესდებო კაპიტალი განისაზღვრება კომპანიის წესდებით. ცვლილებები კომპანიის საწესდებო კაპიტალში (საწესდებო კაპიტალის, დამფუძნებლების და სხვა ცვლილებების ჩათვლით) ხორციელდება მხოლოდ კომპანიის დამფუძნებლების გადაწყვეტილებით. საწესდებო კაპიტალი აღიარებულია კომპანიის კაპიტალში იმდენად, რამდენადაც კომპანიის დამფუძნებლებმა განახორციელეს ფაქტობრივი შენატანები. აკუმულირებული მოგება-ზარალი შეიცავს მიმდინარე და წინა პერიოდების აკუმულირებულ მოგება-ზარალს.

2.15. დივიდენდები

დივიდენდები ვალდებულებად აღირიცხება და კაპიტალიდან გამოიქვითება იმ პერიოდში, რომელშიც ისინი გამოცხადდა და დამტკიცდა. საანგარიშო პერიოდის შემდეგ და ფინანსური ანგარიშგების გამოსაშვებად დამტკიცებამდე გამოცხადებული დივიდენდი აისახება შემდგომი მოვლენების განმარტებით შენიშვნაში.

2.16. შემოსავალი

შემოსავლის აღიარება ხორციელდება მიღებული ან მისაღები ანაზღაურების რეალური ღირებულებით. შემოსავალი იზომება მიღებული ანაზღაურების ან მოთხოვნის რეალური ღირებულებით და მცირდება მოსალოდნელი ფასდათმობის და სხვა მსგავსი შეღავათების საფუძველზე. პერიოდის წმინდა შემოსავალი აღიარებულია პერიოდის შემოსავალი შემცირებული თვითღირებულების დანახარჯებით, ფასდათმობით და პირდაპირი ხელფასებით.

2.17. ხარჯები

საწარმო ხარჯების აღრიცხვას აწარმოებს დარიცხვის მეთოდით. ხარჯების აღიარება ხდება იმ მომენტში როდესაც ორგანიზაციას წარმოექმნება გადახდის ვალდებულება მიღებული მომსახურების ან საქონლის სანაცვლოდ.

2.18. ფინანსური შემოსავლები და ხარჯები

კომპანიის ფინანსური შემოსავლები და ხარჯები მოიცავს სესხებზე დარიცხული პროცენტის თანხებს, ასევე ფინანსურ აქტივებზე და ფინანსურ ვალდებულებებზე უცხოური ვალუტის კურსის ცვლილებით გამოწვეულ შემოსავლებსა და ხარჯებს.

კომპანიის სხვა შემოსავალს წარმოადგენს ძირითადი საშუალებების რეალიზაციიდან მიღებული მოგება, ვალების ჩამოწერით მიღებული შემოსავალი, დადებითი სავალუტო საკურსო სხვაობა, სადაზღვევო კომპანიებისაგან მიღებული ზარალის ანაზღაურებით მიღებული შემოსავალი, ადრე აღიარებული საგადასახადო ჯარიმებისა და საურავების გაუქმებით მიღებული შემოსავალი, საპროცენტო შემოსავალი საქართველოს კომერციულ ბანკებში განთავსებული დეპოზიტებიდან და სხვა გაუთავალისწინებელი შემოსავლები. კომპანია საპროცენტო შემოსავალს აღიარებს იმ პერიოდის შესაბამისად, რა პერიოდშიც ხდება შემოსავლის მიღება და ასახავს მას მოგება-ზარალისა და სხვა სრული შემოსავლის ანგარიშგებაში.

კომპანიის ფინანსური ხარჯი მოიცავს სესხზე დარიცხული პროცენტის თანხებს, სესხის სადაზღვევო და საგარანტიო ხარჯებს, პირგასამტეხლოს თანხებს, საგადასახადო ჯარიმებსა და საურავებს.

2.19. გადახდილი და მიღებული ავანსები

გადახდილი და მიღებული ავანსები აღიარდება გადახდილი/მიღებული თანხის ოდენობით გადახდის/მიღების მომენტში. ავანსების გადაფასება არ ხდება სავალუტო კურსის მიხედვით და რჩება შეფასებული ისტორიული ღირებულებით.

გადახდილი ავანსების გაუფასურებაზე ტესტირება ხდება ყოველი საანგარიშო პერიოდის ბოლოს და თუ არსებობს ობიექტური მტკიცებულება იმისა, რომ გადახდილი ავანსის შესაბამის საქონელს ან მომსახურებას კომპანია ვერ მიიღებს და თანხის უკან დაბრუნებაც შეუძლებელი იქნება, მაშინ გაუფასურების ზარალი დაუყოვნებლივ აღიარდება მოგებაში ან ზარალში.

2.20. დაქირავებულ პირთა გასამრჯელოები

ხელფასებს, ბონუსებს, ანაზღაურებად შვებულებებს, ბიულეტენებს და არაფულად სარგებელს კომპანია ასახავს დარიცხვის მეთოდით იმავე პერიოდში, რომელშიც კომპანიის თანამშრომელთა მიერ შესაბამისი მომსახურება იქნა გაწეული. კომპანიას არა აქვს რაიმეს სახის საპენსიო (ან მსგავსი პროგრამის) ვალდებულება.

არაარსებობის გამო კომპანიის მიერ ფინანსურ ანგარიშგებაში არ ხდება გამოუყენებელი შვებულების ანარიცხის ასახვა/აღრიცხვა.

2.21. ანარიცხები

ფინანსური მდგომარეობის ანგარიშგებაში ანარიცხი აღიარდება მაშინ, როდესაც კომპანიას აქვს მიმდინარე ვალდებულება იურიდიული ან კონსტრუქციული, რომელიც წარმოიქმნა წარსული მოვლენის შედეგად და სავარაუდოა, რომ ვალდებულების დასაფარად საჭირო იქნება ეკონომიკურ სარგებელში განიცთებული რესურსების გასვლა. როცა ფულის დროითი ღირებულების ეფექტი მნიშვნელოვანია, ანარიცხების თანხა უნდა წარმოადგენდეს იმ დანახარჯების დღევანდელ ღირებულებას, რომლებიც მოსალოდნელია, რომ საჭირო იქნება მოვალეობის შესასრულებლად, დისკონტირების განაკვეთი უნდა წარმოადგენდეს დაბეგვამდე არსებულ განაკვეთს, რომელშიც გათვალისწინებულია ფულის დროითი ღირებულების მიმდინარე საბაზრო შეფასებებისა და მოცემული ვალდებულებისათვის დამახასიათებელი სპეციფიკური რისკი.

2.22. ფინანსური ანგარიშგების შესწორება გამოცემის შემდეგ

ნებისმიერი ცვლილების შეტანა ინდივიდუალურ ფინანსურ ანგარიშგებაში მისის გამოცემის შემდეგ, დამტკიცებას ექვემდებარება კომპანიის იმავე მენეჯმენტის მიერ, რომლის მიერაც მოხდა აღნიშნული ფინანსური ანგარიშგების ავტორიზაცია გამოცემის მიზნით.

3. ძირითადი საშუალებები

შპს კია მოტორს ჯორჯია ფინანსური მდგომარეობის ანგარიშგება;
 2019 წლის 31 დეკემბრის მდგომარეობით;
 საანგარიშგებო ვალუტა ლარი

	მიწა- ნაგებობები	მანქანა დანადგარები	ავეჯი და საოფისე აღჭურვილობა	მანქანები	იჯარით აღებული ქონების კეტილმოწყობა	სულ ჯამი
ისტორიული ღირებულება						
ისტორიული ღირებულება 31/12/2016	-	164,194	148,214	175,312	69,145	556,865
დამატებები		-	8,388	-	2,887	11,275
გაყიდვა		(1,022)	(511)	(22,036)	-	(23,569)
ისტორიული ღირებულება 31/12/2017	-	163,172	156,091	153,277	72,032	544,572
დამატებები		4,950	4,005	49,242	-	58,197
გაყიდვა				(10,651)	(2,040)	(12,691)
ისტორიული ღირებულება 31/12/2018	-	168,123	160,096	191,867	69,992	590,078
დამატებები	250,407	865	1,740	59,111	44,336	356,459
გაყიდვა	(250,407)	(4,150)	(844)	(29,886)	(9,656)	(294,943)
ისტორიული ღირებულება 31/12/2019	-	164,837	160,993	221,092	104,672	651,594
დაგროვილი ცვეთა						
დაგროვილი ცვეთა 31/12/2016	-	100,851	93,335	60,485	38,240	292,911
მიმდინარე პერიოდის ამორტიზაცია		12,665	11,524	22,423	5,010	51,623
გაყიდვების დაგროვილი ცვეთა		(936)	(363)	(12,819)	-	(14,118)

შპს კია მოტორს ჯორჯია ფინანსური მდგომარეობის ანგარიშგება;
 2019 წლის 31 დეკემბრის მდგომარეობით;
 საანგარიშგებო ვალუტა ლარი

დაგროვილი ცვეთა 31/12/2017	-	112,580	104,496	70,090	43,250	330,417
მიმდინარე პერიოდის ამორტიზაცია		13,332	5,799	23,025	1,986	44,142
გაყიდულის დაგროვილი ცვეთა				(1,775)	(340)	(2,115)
დაგროვილი ცვეთა 31/12/2018	-	125,913	110,295	91,339	44,896	372,443
მიმდინარე პერიოდის ამორტიზაცია		7471.00	4,286	6,675	21,661	40,093
გაყიდულის დაგროვილი ცვეთა						-
დაგროვილი ცვეთა 31/12/2019	-	133,384	114,581	98,014	66,557	412,536
<i>წმინდა საბალანსო ღირებულება</i>						
წმინდა საბალანსო ღირებულება 31/12/2016	-	63,343	54,879	114,827	30,905	263,954
წმინდა საბალანსო ღირებულება 31/12/2017	-	50,592	51,595	83,187	28,782	214,156
წმინდა საბალანსო ღირებულება 31/12/2018	-	42,210	49,801	100,528	25,096	217,635
წმინდა საბალანსო ღირებულება 31/12/2019	-	31,454	46,411	123,078	38,115	239,058

4. ზოგადი და ადმინისტრაციული ხარჯები

2019 წლის 31 დეკემბრისთვის დასრულებული წლებისათვის კომპანიის ზოგადი და ადმინისტრაციული ხარჯები მოიცავდა:

	2019 31 დეკემბერი	2019 31 დეკემბერი
* შრომის ანაზღაურება	518,431	265,457
* თანამშრომელთა ჯანმრთელობის დაზღვევა	3,078	15,445
* საიჯარო ქირა	381,640	413,095
* დაცვის ხარჯი	26,400	26,400
* საკანცელარიო ხარჯი	1,656	1,777
* მივლინების ხარჯი	19,765	19,386
* კომუნიკაციის ხარჯები	5,049	6,356
* კომუნალური /დასუფთავება და სხვა/	45,849	47,229
* რემონტი	10,552	6,027
* საკონსულტაციო ხარჯები	486,480	155,760
* ცვეთა და ამორტიზაცია	40,093	44,204
* საბანკო მომსახურება	51,194	48,839
* საწვავის ხარჯი	7,228	9,156
სხვა ადმინისტრაციული ხარჯი	353,205	111,258
სულ ადმინისტრაციული ხარჯი	1,950,620	1,170,389

5. მიწოდების და მომსახურების ხარჯები

2019 წლის 31 დეკემბრისთვის დასრულებული წლებისათვის კომპანიის მიწოდების და მომსახურების ხარჯები მოიცავდა:

მიწოდების და მომსახურების ხარჯები	2019 ლარი	2018 ლარი
* შრომის ანაზღაურება		32,290
* რეკლამის ხარჯი	69,800	73,951
* ტრანსპორტირების ხარჯი	9,942	8,765
* ახალი ა/მ გარეცხვა მოწესრიგება	8,194	4,580

შპს კია მოტორს ჯორჯია ფინანსური მდგომარეობის ანგარიშგება;
2019 წლის 31 დეკემბრის მდგომარეობით;
საანგარიშგებო ვალუტა ლარი

* წარმომადგენლობითი ხარჯი	1,857	3,945
* ავტომობილების გაფორმება	88,326	63,935
სულ	178,120	187,465

6. ფულადი სახსრები და ფულადი სახსრების ეკვივალენტები

2019 წლის 31 დეკემბრისთვის დასრულებული წლებისათვის კომპანიის ფულადი სახსრები და ფულადი სახსრების ეკვივალენტები მოიცავდა:

ფულადი სახსრები და ფულადი სახსრების ეკვივალენტები	2019 ლარი	2018 ლარი
ფული სალაროში	707	1,134
ფული ბანკში	110,951	116,495
სულ	111,659	117,629

7. რისკების მართვა

კომპანიის საქმიანობა დაკავშირებულია სხვადასხვა ფინანსურ რისკთან: ბაზრის რისკი (შემდეგი რისკების ჩათვლით: სავალუტო, საკრედიტო და ლიკვიდობის რისკები). რისკების მართვის პოლიტიკის მიზანია ორგანიზაციის წინაშე არსებული რისკების იდენტიფიცირება, ანალიზი და მართვა, სათანადო რისკების ლიმიტების დაწესება, საკონტროლო მექანიზმების განსაზღვრა და რისკების დონისა და ლიმიტების დაცვის რეგულარული მონიტორინგი. რისკების მართვის პოლიტიკისა და პროცედურების გადახედვა ხდება რეგულარულად, საბაზრო გარემოში მიმდინარე ცვლილებების, შეთავაზებული პროდუქტებისა და მომსახურების და საუკეთესო პრაქტიკის გათვალისწინების მიზნით.

7.1. საბაზრო რისკი

საბაზრო რისკი არის რისკი იმისა, რომ ფინანსური ინსტრუმენტის ღირებულება შემცირდება საბაზრო ფაქტორების ცვლილების გავლენით.

საბაზრო რისკი შეიძლება წარმოიშვას საწარმოს მიერ პროცენტიანი, სავაჭრო ან უცხოურ ვალუტაში არსებული ფინანსური ინსტრუმენტების ფლობის შედეგად. არსებობს რისკი, რომ ფინანსური ინსტრუმენტის რეალური ღირებულება ან მომავალი ფინანსური ნაკადები იმერყევებს საპროცენტო განაკვეთის ცვლილების გამო (საპროცენტო რისკი) და უცხოური ვალუტის გაცვლითი კურსის გამო (სავალუტო რისკი).

7.2. ლიკვიდურობის რისკი

ლიკვიდურობის რისკი არის რისკი, რომ საწარმოს შეექმნება სირთულეები მიმდინარე ფინანსური ვალდებულებების დაფარვის საკონტრაქტო პირობების შესრულებისას, რამაც შესაძლოა გავლენა მოახდინოს კომპანიის შემდგომ ფუნქციონირებადობაზე. ლიკვიდურობის რისკის მართვა

გულისხმობს საკმარისი ფულადი სახსრების და ხელმისაწვდომი საკრედიტო რესურსების ქონას ვალდებულებების დასაფარად.

ამ ტიპის რისკებს ხელმძღვანელობა აკონტროლებს ვადიანობის ანალიზით, მომდევნო ფინანსური პერიოდის სტრატეგიის დაგეგმვისას. ლიკვიდობის რისკის სამართავად კომპანია ყოველდღიურად აკონტროლებს მომავალ მოსალოდნელ ფულად ნაკადებს და ატარებს ლიკვიდურობის მოთხოვნის მონიტორინგს რომელიც მას სჭირდება იმ რწმუნებისთვის, რომ მას გააჩნია საკმარისი ფულადი სახსრები საოპერაციო საქმიანობისთვის.

7.3. საკრედიტო რისკი

საკრედიტო რისკი წარმოადგენს დანაკარგის ალბათობას იმ შემთხვევაში, როდესაც ფინანსური ინსტრუმენტის ერთი მხარის მიერ ხელშეკრულებით გათვალისწინებული ვალდებულებების შეუსრულებლობა იწვევს მეორე მხარის ფინანსურ ზარალს. კომპანია მართავს საკრედიტო რისკის დონეს, რომელზეც იგი პასუხისმგებელია საკრედიტო რისკის საერთო პოლიტიკით, რომელშიც შეფასებული და განსაზღვრულია რა წარმოადგენს კომპანიისთვის საკრედიტო რისკს, რისკის ლიმიტი თითოეული კონტრაგენტის, გეოგრაფიული მდებარეობისა და საქმიანობის სფეროსთვის, გაქვითვის უფლება, როდესაც კონტრაგენტები ერთდროულად მოვალეებიც არიან და კრედიტორებიც.

7.4. სავალუტო რისკი

სავალუტო რისკი წარმოიშობა ერთი ვალუტის მიმართ მეორის ფასის ცვლილებებით. სავალუტო რისკი გავლენას ახდენს კომპანიის ფინანსური რისკების განსაზღვრაზე. კომპანია ატარებს სავალუტო რისკს, რომელიც დაკავშირებულია მის ფინანსურ მდგომარეობასა და ფულად ნაკადებთან.

7.5. საპროცენტო რისკი

საპროცენტო რისკი არის რისკი (ცვალებადი ღირებულებით), რომელსაც ატარებს პროცენტიანი აქტივი, როგორიცაა სესხი, მცოცავი საპროცენტო განაკვეთის არსებობის გამო. საპროცენტო განაკვეთის რისკი წარმოიქმნება, როდესაც მოცემული ვადიანობის ფაქტობრივი ან მოსალოდნელი აქტივები მეტია ან ნაკლებია იმავე ვადიანობის ფაქტობრივ ან მოსალოდნელ ვალდებულებებზე.

8. ფინანსური ინსტრუმენტები

ფინანსური აქტივების მართვის ბიზნეს-მოდელი მდგომარეობს იმაში, თუ როგორ მართავს კომპანია ფინანსურ აქტივებს, ფულადი ნაკადების დასაგენერირებლად. ფინანსური აქტივების მართვის ბიზნეს-მოდელი განსაზღვრავს, როგორ ხდება ფულადი ნაკადების შემოძინება, იქნება ეს სახელშეკრულებო პირობების მიხედვით, ფინანსური აქტივის გაყიდვით, თუ ორივე ერთად.

სავაჭრო მოთხოვნები, რომლებიც არ მოიცავს მნიშვნელოვან დაფინანსების კომპონენტს (რაც დადგენილია ფასს 15-ის მოთხოვნების შესაბამისად).

ფინანსური აქტივი კლასიფიცირდება და შეფასდება ამორტიზირებული ღირებულებით, მაშინ, როცა:

- 1) თუ ეს აქტივი წარმოშობს ფულად ნაკადებს, რომელიც დაკავშირებული იქნება „მხოლოდ ძირის და პროცენტის გადახდებთან“ (SPPI) ნარჩენ ძირ თანხაზე. აღნიშნული შეფასება მოიხსენიება როგორც SPPI ტესტი და ხორციელდება კონკრეტული ფინანსური ინსტრუმენტის დონეზე. საპროცენტო ამონაგები გამოითვლება ეფექტური საპროცენტო განაკვეთის მეთოდის გამოყენებით.
- 2) 2) როცა კომპანია ფლობს ფინანსურ აქტივებს მათგან გამომდინარე ფულადი ნაკადების მიღების მიზნით.

სხვა შემთხვევებში, ფინანსური აქტივი აღირიცხება რეალური ღირებულებით მოგებაზარალის ანგარიშგების გავლით.

სავაჭრო მოთხოვნების გაუფასურება

დებიტორული სავაჭრო დავალიანების გაუფასურება ხდება, როდესაც არსებობს ობიექტური მტკიცებულებები, რომ კომპანია ვერ შეძლებს შესაბამისი მისაღები მოთხოვნების მიხედვით კუთვნილი თანხის სრულად ან ნაწილობრივ მიღებას.

ისეთი ოპერაციების შედეგად წარმოქმნილ სავაჭრო მოთხოვნებთან ან ან სახელშეკრულებო აქტივებთან დაკავშირებით, რომლებიც ფასს 15-ის მოქმედების სფეროს განეკუთვნება და ამასთან, ფასს 15-ის შესაბამისად არ შეიცავს მნიშვნელოვან დაფინანსების კომპონენტს (ან როდესაც კომპანია იყენებს პრაქტიკული ხასიათის გამარტივებულ მიდგომას ხელშეკრულებებისთვის, რომელთა ხანგრძლივობა ერთი წელი, ან ერთ წელზე ნაკლებია), გაუფასურების ზარალის რეზერვი ყოველთვის ფასდება თანხით, რომელიც არსებობის მანძილზე მოსალოდნელი საკრედიტო ზარალის ტოლია. 1 წლით ან მეტი ვადით გადაუხდელ სავაჭრო მოთხოვნებზე გაუფასურებული ზარალი აღიარდება 100%-ის ოდენობით, ხოლო სხვა სავაჭრო მოთხოვნებზე -5%-დან 50%-მდე, თანხის გადაუხდელობის ხანგრძლივობიდან გამომდინარე.

საანგარიშგებო პერიოდის განმავლობაში სავაჭრო მოთხოვნების გაუფასურების რეზერვში ცვლილებების ოდენობა აისახება მოგება-ზარალის ანგარიშებზე.

გაუფასურებული მოთხოვნის ჩამოწერა აისახება არსებული გაუფასურების ზარალის რეზერვის ანგარიშზე.

9. საწარმოს უწყვეტობის განხილვა

მენეჯმენტი საანგარიშგებო პერიოდის ბოლოს განიხილავს საწარმოს უწყვეტობასთან დაკავშირებულ საკითხებს, რათა დარწმუნდეს, რომ ფინანსური ანგარიშგების წარდგენა საწარმოს უწყვეტობის პრინციპის საფუძველზე სამართლიანია. მენეჯმენტს განზრახული არ აქვს კომპანიის ლიკვიდაციის ან საქმიანობის მნიშვნელოვანი შეზღუდვის გეგმები, მენეჯმენტი მიიჩნევს და დარწმუნებულია, რომ საწარმოს უწყვეტ ფუნქციონირებას საფრთხე არ ემუქრება და არც თვითონ აქვთ კომპანიის ლიკვიდაციის ან საქმიანობის მნიშვნელოვანი შეზღუდვის გეგმები.

10. დაკავშირებულ მხარეთა შორის ტრანზაქციები:

ბასს (IAS) 24-ის „დაკავშირებულ მხარეთა განმარტებითი შენიშვნები“ მიხედვით მხარეები ითვლება დაკავშირებულად, თუ ერთ მხარეს აქვს უნარი, გააკონტოლოს მეორე მხარე ან მნიშვნელოვანი გავლენა მოახდინოს მეორე მხარის ფინანსურ და საოპერაციო გადაწყვეტილებებზე, ან თუ მხარეები ერთი და იმავე ჯგუფის შვილობილი კომპანიებია. თითოეული შესაძლო ურთიერთკავშირის განხილვისას ყურადღება ექცევა ურთიერთობის შინაარსს და არა მხოლოდ სამართლებრივ ფორმას.

დაკავშირებულმა მხარეებმა შეიძლება დადონ ისეთი გარიგებები, როგორსაც არ დადებდნენ დაუკავშირებელი მხარეები და დაკავშირებულ მხარეებს შორის დადებული გარიგებები შეიძლება არ დაიდოს იმავე პირობებითა და თანხებით როგორც დაიდებოდა გარიგებები დაუკავშირებელ მხარეებს შორის. დაკავშირებულ მხარეებთან დადებული ყველა გარიგება განხორციელდა გაშლილი ხელის პრინციპით.

2019 წლის 31 დეკემბრით დასრულებული წლისათვის კომპანიას დაკავშირებულ მხარეებთან ჰქონდა შემდეგი ოპერაციები და ბალანსები:

განხორციელებული ტრანზაქციები პარტნიორებთან

ლარში დენომინირებული არაუზრუნველყოფილი სესხები დაკავშირებულ მხარეებთან:

მიღებული სესხი	ვალუტა	2019	2018
შპს აი-ბი-ჯი ჰოლდინგი	დოლარი	15,501,068	14,468,096
შპს "იბერია სერვისი"	ლარი		7,813,485
შპს "იბერმობილი"	ლარი		4,377,463
		15,501,068	26,659,045
გაცემული სესხი	ვალუტა	2019	2018
შპს "იბერია ბიზნეს ჯგუფი"	ლარი	5,412,915	30,088,169
შპს "კავკასუს მოტორსი"	დოლარი	16,542	168,632

11. ბალანსის შემდგომი მოვლენები

2019 წლის ბოლოს მწვავე რესპირატორული სინდრომის კორონავირუსის ინფექციური დაავადების (COVID-19) გამოჩენამ და მისმა სწრაფმა გავრცელებამ მნიშვნელოვანი გავლენა იქონია ბიზნეს გარემოზე მთელ მსოფლიოში და მათ შორის საქართველოშიც.

2020 წლის 26 თებერვალს საქართველოში დაფიქსირდა ამ ვირუსით ინფიცირების პირველი შემთხვევა. ვირუსის გავრცელების საწინააღმდეგო ზომების გატარების სახით საქართველოს მთავრობამ სხვადასხვა პერიოდში დააწესა სხვადასხვა სახის შეზღუდვები, მათ შორის გადაადგილების შეზღუდვებისა და დისტანციური მუშაობის რეჟიმზე გადასვლის მოთხოვნის სახით. ანგარიშგების შედგენის თარიღისთვისაც ქვეყანაში არსებობს გარკვეული სახის შეზღუდვები. კომპანიის მენეჯმენტი ვერ აკეთებს ზუსტ პროგნოზს თუ რა ეფექტი ექნება COVID 19-ს და მასთან დაკავშირებულ მოვლენებს კომპანიის საქმიანობაზე, თუმცა მენეჯმენტის შეფასებით, COVID 19-თან დაკავშირებულ რისკებს არ შეუძლია მნიშვნელოვანი უარყოფითი გავლენის მოხდენა კომპანიის უნარზე საქმიანობა გააგრძელოს როგორც ფუნქციონირებადმა საწარმომ.

ბალანსის თარიღის შემდგომ ადგილი არ ჰქონია ისეთ მოვლენებს, რომლებიც გამოიწვევდა დამატებით შესწორებებს და ცვლილებებს მოცემულ ფინანსურ ანგარიშგებაში.

კომპანიას 2020 წლის განმავლობაში დამფუძნებლებზე დივიდენდი არ გაუცია.

